

Communicaziun a las medias dals 15 d'avrigl 2024

Il fond da la BCG survegn 5 stailas da Morningstar

L'interpresa internaziunala per infurmaziuns ed analisas finanzialas Morningstar dat 5 stailas al fond d'investiziun «BCG (LU) emprests convertibels Global ESG» lantschà il 2021.

Il fond d'investiziun «BCG (LU) emprests convertibels Global ESG» è vegnì lantschà il 2021 ed ha festivà il 1. da mars 2024 ses giubileum da trais onns. Ils 31 da mars 2024 aveva il fond in volumen da 209 milliuns francs. Cun la performance realisada ils ultims trais onns fa il fond da la BCG tenor Morningstar part dals megliers diesch pertschient da sia gruppa da cumparegliaziun e valitescha questa prestaziun cun tschintg stailas.

Il fond investescha sin plaun global en in portfolio vastamain diversifitgà cun var 200 emprests convertibels. La selecziun succeda «bottom-up» resguardond aspects quantitativs e qualitativs cun la finamira d'identifitgar ils emprests convertibels cun il profil da rendita e da ristga il pli attractiv. Il fond persequitescha in stil d'investiziun che sa basa sin creschientscha per in pretsch raschunaivel. «Nus investin en emprests convertibels d'interpresas sutvalitadas cun ina creschientscha structurala e constanta pli auta che la creschientscha economica globala», declera Nerino Nobs, manager da fonds da la Banca Chantunala Grischuna, la strategia da la BCG.

La valitaziun accentuescha la cumpetitivitad da la BCG sur ils cunfins chantunals ora e sia cumpetenza en dumondas d'investiziun. Infurmaziuns davart il fond «BCG (LU) emprests convertibels Global ESG» e davart ulteriurs fonds d'investiziun da la BCG èn disponiblas sin gkb.ch/anlagefonds.

Contact:

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, chascha postale, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsuradis, ses fond da contribuziuns e sias purschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.

Termins:

Radunanza da las participantas e dals participants: 20 d'avrigl 2024
Rendaquint semestral 2024: 25 da fanadur 2024